

ADRIATIC OSIGURANJE d.d. Sarajevo, Podružnica Sarajevo, ul.Trg međunarodnog prijateljstva br.20, Sarajevo, koju zastupa direktor Podružnice Alen Hujjić, ID: 4200213140080 (u daljem tekstu: OSIGURAVATELJ)

i

GIMNAZIJA DOBRINJA, ul. Senada Poturka Senčija bb, koju zastupa direktor Enver Ahmetspahić, ID: 4200123400007 (u daljem tekstu: UGOVARATELJ OSIGURANJA)

UGOVOR O PRUŽANJU USLUGA OSIGURANJA UČENIKA

Član 1.

Predmet ovog Ugovora je osiguranja učenika UGOVARATELJA od posljedica nesretnog slučaja (nezgode) za vrijeme boravka u školi i izvan škole tokom 24 sata bez vremenskog i prostornog ograničenja.

Član 2.

Osiguranje po ovom Ugovoru pokriva posljedice nesretnog slučaja-nezgode, za smrt usljed nezgode, smrt usljed bolesti, trajni invaliditet, troškovi liječenja i dnevna naknada za boravak u bolnici, nastalih nad svim učenicima UGOVARATELJA pojedinačno.

Član 3.

UGOVARATELJ će sa OSIGURAVATELJEM u ime učenika, zaključiti policu kolektivnog osiguranja od posljedica nesretnog slučaja (nezgode) sa slijedećim osiguranim rizicima i osiguranim sumama:

◆ Smrt uslijed bolesti	3.500,00 KM
◆ Smrt uslijed nezgode/nesretnog slučaja	12.000,00 KM
◆ Trajni invaliditet	42.000,00 KM
◆ Troškovi liječenja	3.500,00 KM
◆ Dnevna naknada za boravak u bolnici	10,00 KM

PROŠIRENO POKRIĆE : loma kosti/napuknuće bez posljedice trajnog invaliditeta i troškovi koji su nastali kao posljedica liječenja loma kosti/napuknuća , a za koje oštećeni nije u mogućnosti dostaviti dokaz od 150 KM

Član 4.

Za ugovorene usluge iz člana 1. ovog Ugovora, ugovorne strane utvrđuju cijenu u iznosu od 5,00 KM godišnje po jednom učeniku.

Član 5.

Ovaj Ugovor se zaključuje na period od godinu dana, počev od 01.09.2018.godine do 01.09.2019.godine sa mogućnošću produženja, ukoliko je to u interesu ugovornih strana, što bi bilo regulisano posebnim Ugovorom ili Aneksom.

Član 6.

OSIGURAVATELJ će pružati usluge osiguranja iz člana 3.ovog Ugovora, vodeći računa o zaštiti interesa Ugovaratelja i u skladu sa pravilima struke i zahtjevima UGOVARATELJA, a sve u skladu sa dostavljenom Ponudom.

Za osiguranje učenika od posljedica nezgode/nesretnog slučaja izdat će se jedna policu u kojoj se navodi broj osiguranih osoba i ista čini sastavni dio ovog Ugovora.

Obaveze OSIGURAVATELJA po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 3. ovog Ugovora.

Obaveza je OSIGURAVATELJA da dostavlja UGOVARATELJU periodične izvještaje o realizaciji osiguranih slučajeva i visini odobrenog iznosa.

Član 7.

Polica osiguranja, Opći i Dopunski uvjeti za osiguranje lica od posljedica nesretnog slučaja/nezgode, Tablica za određivanje postotka trajnog invaliditeta kao posljedice nesretnog slučaja/nezgode i Izmjene i dopune Općih uvjeta za osiguranje osoba od posljedica nesretnog slučaja (nezgode) čine sastavni dio ovog Ugovora.

Ukoliko postoje neslaganja između odredbi Uvjeta i ovog Ugovora, primjenjivat će se odredbe Ugovora.

Prava i obaveze UGOVARATELJA I OSIGURAVATELJA, kao i postupak nakande štete detaljno su razrađeni u Uvjetima osiguranja.

Član 8.

UGOVARATELJ će OSIGURAVATELJU dostaviti brojčano stanje učenika sa imenima i prezimenima, te će takav spisak predstavljati osnovicu za obračun premije osiguranja.

UGOVARATELJ je dužan OSIGURAVATELJU prijaviti eventualne promjene broja osiguranih osoba, kako bi se na kraju osiguravajućeg perioda izvršio konačan obračun premije i izvršilo dodatno plaćanje premije, odnosno povrat više uplaćenih sredstava.

Premija osiguranja plaća se na račun OSIGURAVATELJA najkasnije do 30 dana po prijemu fakture, koju OSIGURAVATELJ izdaje na osnovu broja osiguranih učenika.

Član 9.

Ukoliko nastupi osigurani slučaj iz člana 3. ovog Ugovora, OSIGURAVATELJ će izvršiti isplatu osigurane sume najkasnije u roku ne dužem od 24 (dvadesetčetiri) sata od momenta kompletiranja dokumentacije potrebne za utvrđivanje osnovanosti i visine odštetnih zahtjeva (predočeni dokazi, ocjena ovlaštenog ljekara-cenzora i sl.) uz mogućnost isplate akontacije do završetka likvidacije odštetnog zahtjeva.

Član 10.

U cilju unaprijeđenja poslovnih odnosa, tijekom trajanja ovog Ugovora, ugovorne strane mogu odredbe ovog Ugovora mijenjati, dopunjavati ili druge poslove regulirati sporazumno putem Aneksa ovom ugovoru, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane po ugovornim stranama.

Član 11.

Ugovorne stranke suglasne su da sva sporna pitanja rješavaju sporazumno u suprotnom ugovara se nadležnost Općinskog suda u Sarajevu.

Član 12.

Na sva pitanja koja nisu regulisana ovim Ugovorom primjenjivat će se odredbe Zakona o obligacionim odnosima.

Član 13.

Ovaj Ugovor je sastavljen u (4) četiri istovjetna primjerka od kojih svaka stranka zadržava po (2) dva.

ADRIATIC OSIGURANJE d.d.
PODRUŽNICA SARAJEVO
Alen Hujčić, direktor Podružnice

Broj: 18533333



GIMNAZIJA DOBRINJA

Za Enver Ahmetpahić, direktor

Broj: 04-2434/18.

